

PAGOS MINUTOS DE ISPANTU

Ojos alluttos de milli bramosias
 rien iscacaglios mannos,
 in cavanos ossudos
 trampuzzende fame cubidu.
 Asciuzzas cunsumidas
 ammuntonadas che amas:
 sezis pedende,
 criaduras fadigadas.

Unu "documentariu"
 ammustrat s'iscienza
 de su bisonzu nieddu;
 e tando in "primu pianu"
 sa "telecamera",
 mustrat bene s'omine
 isculpido in carenas
 cunsuntas:
 sos fiancos acchitterrados,
 s'ischina ossuda,
 sas ancas imboligadas
 a pedde 'e cristianu,
 e una 'entre manna,
 boida....

Pagos minutos de ispantu,
 una lastima traitora,
 duas peraulas falzas,
 imparadas a mimoria,
 e su "telecomando"
 cambiat canale.
 E non s'iden nè s'intenden
 piusu, sos isgramos
 de aggiudu, e s'istregin
 attesu, attesu
 sos lamentos famidos;
 cun sa piedade chi sessat
 e torrat a su niciu sou,
 muda che sempre
 e non bidet e no intendet...

LAMENTOS FAMIDOS

MARIA SAUE

CHARAMONTI